



**Uorden da scola
per la vischnaunca Tujetsch**

**Relaschaus entras il cussegl da vischnaunca ils 21 da schaner 2015.
Vigur: 1. d'uost 2014**

Cuntegn

I. Disposiziuns generalas	3
II. Persunas d'instrucziun	4
III. Direcziun da scola.....	4
IV. Cussegl da scola.....	4
V. Giurisdicziun	7
VI. Disposiziuns finalas.....	7

Uorden da scola dalla vischnaunca Tujetsch

sebasond sin igl art. 20 dalla lescha davart las scolas popularas dil Cantun Grischun (lescha da scola) dils 21 da mars 2012.

Relaschaus dalla vischnaunca Tujetsch ils 21 da schaner 2015 ed approbaus dil departament d'educaziun ils 26 da schaner 2015.

Las indicaziuns davart las persunas, las funcziuns e las professiuns en quest uorden serefereschan da principi ad omisduas schlatteinas, aschilunsch ch'ei seresulta buca enzatgei auter ord il senn digl uorden.

I. Disposiziuns generalas

Art. 1

¹La vischnaunca Tujetsch meina ils suandonts scalems da scola:

Scalems da scola

- a) scalem da scoletta
- b) scalem primar
- c) scalem secundar I

²La frequentaziun dalla scoletta ei obligatoria per affons da lungatg jester.

Art. 2

L'obligaziun dad ir a scola, il liug da scola sco era la frequentaziun gratuita sedrezzan tenor il dretg cantunal.

Obligaziun dad ir a scola, liug da scola, frequentaziun gratuita

Art. 3

La vischnaunca garantescha las uras da bloc prescettas dil cantun sil scalem da scoletta e sil scalem primar.

Uras da bloc

Art. 4

La vischnaunca porscha en cass da basegns structuradas dil di supplementaras.

Structuras dil di

Art. 5

¹En cass da basegns sa la vischnaunca Tujetsch porscher ulteriuras pusseivladads sco lavur sociala da scola ni puschidas da timeout.

Puschidas supplementaras

²Sche necessari porschan las instituziuns responsablas per la scola puschidas specialas per scolars cun talents extraordinaris.

Art. 6

Per ordinar e per realisar mesiras da pedagogia speciala sil sector sempel (niederschwelliger Bereich) ei la vischnaunca responsabla.

Purschida da pedagogia speciala

Art. 7

Il giudicament sco era la promoziun e la midada da scalem dil scolars vegnan fatgs tenor il dretg cantunal.

Giudicament, promoziun e midada dil scalem

II. Persunas d'instrucziun

Art. 8

¹Las persunas d'instrucziun ein emploiadas dalla vischnaunca Tujetsch.

Relaziun d'engaschament

²Observond il dretg cantunal vegn la relaziun d'engaschament dallas persunas d'instrucziun francada en in contract dil dretg public.

III. Direcziun da scola

Art. 9

¹La vischnaunca nominescha ina direcziun da scola (meinascola).

Direcziun da scola

²La relaziun d'engaschament dalla direcziun da scola vegn francada en in contract dil dretg public.

³La direcziun da scola pren part allas sesidas dil cussegl da scola cun vusch consultativa.

IV. Cussegl da scola

Art. 10

¹Il cussegl da scola consista da silmeins treis commembers. Il cau dil departament d'educaziun appartegn ex officio al cussegl da scola. Pigl auter constituescha il cussegl sesez cun eleger in president ed in vicepresidente.

Organisaziun

²Il cussegl da scola vegn convocaus dil president aschi savens sco las fatschentas pretendan ni sche minimum dus commembers pretendan quei.

³Eis ei indicau sa il cussegl da scola envidar allas sesidas ulteriuras persunas per informaziun ed orientaziun.

⁴Davart las tractandas sto vegnir scret in protocol.

Protocol

Art. 11

¹Il cussegl da scola ei habels da decider sche dapli che la mesadad dils commembers ein presents.

Habilitad da decider

²En cass da paritad dallas vuschs decida il president cun vusch da tagl.

Art. 12

¹Il cussegl da scola diregia e survigilescha il menaschi da scola ed exequescha la legislaziun da scola cantunala e communal. El ademplescha tut las incumbensas sil sectur dalla scola ch'ei buca adossadas ad in'otra autoritad ni ad in'otra istanza entras relaschs cantunals ni communsals.

Obligaziuns e cumpetenzas

²El ha cunzun l'incumbensa da:

1. decider davart l'anticipaziun respectivamein davart la suspensiun dall'entrada ella scoletta ed el scalem primar;
2. decider davart la cuntinuaziun digl onn da scola en ina classa inferiura, sch'in affon ei surdumandaus;
3. decider davart il sursigilir ina classa;
4. decider davart purschidas supplementaras per affons da lungatg jester;
5. decider davart l'ordinaziun ni davart l'aboliziun da mesiras da pedagogia speciala en il sectur sempel;
6. decider davart l'exclusiun d'in affon dalla scola durant il temps da scola obligatori;
7. decider davart la relaschada anticipada d'in affon sil pli baul suenter otg onns da scola obligatori;
8. decider davart la frequentaziun d'ulteriurs onns da scola suenter il temps da scola obligatori;
9. decider davart l'exclusiun d'in affon dalla scola durant il temps da scola suenter il temps obligatori (postobligatori);
10. decider davart la recepziun d'in affon d'in auter purtader da scola e fixar il daner da scola corrispudent;
11. fixar las vacanzas – cun excepziun dallas vacanzas d'atun e da Nadal – en entelgientscha ed en coordinaziun culs cussegls da scola dalla regiun sco era declarar occurrenzas da scola specialas sco obligatorias durant ils suentermiezdis libers ni las sondas;
12. relaschar in reglament davart absenzas e congedis;
13. relaschar in uorden disciplinar;

14. eleger e relaschar las persunas d'instrucziun;
15. eleger e relaschar comunablamain cun la suprastanza communal la direcziun da scola ed il personal dil secretariat da scola;
16. relaschar in carnet d'obligaziuns per la direcziun da scola;
17. relaschar in reglament davart la formaziun supplementara e davart il congedi da formaziun supplementara dallas persunas d'instrucziun e dalla direcziun da scola;
18. punir falliments enviars igl art. 68 dalla lescha da scola cantunala;
19. decider comunablamain cun la suprastanza communal davart:
 - metter ensemen ni separar classas
 - la purschida da roms facultativs;
20. decider davart il menaschi da scola quei che pertucca:
 - pensums ed uraris
 - occurrenz specialas e jamnas da project
 - organisaziun digl urari e survigilanza dils transports da scolars.
La decisiun davart la dimensiun dils transports da scolars (tgei affons vegnan transportai) cumpeta al cussegl da vischnaunca.
 - organisaziun dallas structuradas dil di
 - damondas d'absenza e congedi da scolars e persunas d'instrucziun;
21. suttametter ina proposta pertuccont il preventiv e las finanzas da scola per mauns dalla suprastanza communal;
22. visitar silmeins inaga ad onn la scola;
23. relaschar reglaments e prescripziuns che surveschan al menaschi da scola

Art. 13

¹Il president dil cussegl da scola representa il cussegl da scola anoviars, prepara las fatschentas dil cussegl da scola e procura per l'execuziun dils conclus.

Presidi

²En cass urgents che pertuccan il camp da cumpetenzas dil cussegl da scola pren el las mesiras necessarias. Il cussegl da scola decida definitivamein en caussa a caschun da sia proxima sesida.

V. Giurisdicziun

Art. 14

¹Encunter disposiziuns ed encunter decisiuns dallas persunas d'instrucziun, dalla direcziun da scola e dil president dil cussegl da scola sa vegnir fatg recuors tier il cussegl da scola enteifer 10 dis.

Via giudiziala

²Encunter disposiziuns ed encunter decisiuns dil cussegl da scola che pertuccan fatgs da scola sa vegnir fatg recuors tier il departament cantunal d'educaziun, cultura e protecziun digl ambient enteifer 10 dis, nun che la lescha cantunala da scola disponi enzatgei auter.

³Encunter decisiuns d'assignaziun negativas ed encunter disposiziuns concernent la nunpromozion respectivamein la promozion sa vegnir fatg recuors tier igl uffeci cantunal per la scola populara e dil sport enteifer 10 dis. Igl uffeci sa preveder ina procedura speciala per giudicar il recuors.

VI. Disposiziuns finalas

Art. 15

Quei uorden da scola entra en vigur cun il relasch entras il cussegl da vischnaunca e cun l'approbaziun entras il departament d'educaziun, cultura e protecziun digl ambient dil Cantun Grischun e quei retroactiv cun igl 1. d'uost 2014. El remplazza ils reglaments precedents, en special la lescha da scola dils 10 d'october 1993.

Vigur

Relaschau entras il cussegl da vischnaunca ils 21 da schaner 2015.

Il vicepresidente communal:
André Schmid

Il menader center communal:
Lucas Collenberg

Approbau entras il departament d'educaziun, cultura e protecziun digl ambient dil Cantun Grischun tenor decisiun dils 26 da schaner 2015.